


VI. PAG-IINGAT SA MGA KAGAMITAN

1. Linising mabuti ang mga kagamitan at itago sa tamang lugar pagkatapos ng gawain.
2. Gamitin lamang ang nasa ayos na kagamitan. Ang tagas ay maaaring makapinsala sa tao, hayop at kapaligiran.



VII. KASUOTANG PAMPROTEKTA SA KATAWAN

1. Gumamit ng kasuotan bilang pananggalang sa katawan hangga't maaari, katulad ng mahabang manggas, pantalon, bota, guwantes, maskara, sombrero, respirator at iba pang pamprotektang kasuotan.


VIII. PANGANIB NA DULOT NG PESTISIDYO

Ang pestisidyo ay maaaring makalason o makamatay ng tao at hayop kung hindi susundin ang tamang pamamaraan ng paggamit. Ito ay nakalalason din ng ating kapaligiran. Ang pestisidyo ay nakapapasok sa tao sa pamamagitan ng balat, bibig at ilong. Nakapapasok din ito sa kasuotan patungo sa balat at sa loob ng katawan.

Ang mga sumusunod ay ilang halimbawa upang makaiwas sa panganib:

1. Huwag hipan ang baradong tubo. Gumamit ng tamang pangsuodot sa bara ng *nozzle*.
2. Huwag kumain o manigarilyo kung ang kamay ay nabahiran na ng pestisidyo sa paggamit o pagbomba nito.

3. Hugasang mabuti ang mga kamay at mukha bago kumain, uminom, manigarilyo o umihi.



IX. PANG-UNANG LUNAS (FIRST AID)

Tandaan na mas madaling iwasan ang pagkalason kaysa sa gamutin ito. Kaya buong ingat na gamitin ang pestisidyo. Bukod dito, ating alalahanin ang sumusunod:

1. Ang maling paggamot ay maaaring magpalubha pa sa kalagayan ng pasyente.
2. Panatiliing panatag ang pasyente at nasa maayos na lugar. Tumawag kaagad ng manggagamot. Ipakita sa kanya ang etiketa ng nakapinsala o nakalasang pestisidyo.



3. Huwag bigyan ng anumang inuming may alcohol o gatas ang pasyenteng inaakalang nalason.
4. Kapag nasabuyan, agad ilayo ang pasyente sa lugar na pinaggagawaan. Hugasan ng malinis na tubig ang mata na nasabuyan ng pestisidyo sa loob ng 10 minuto. Alisin ang natapunang damit at hugasan kaagad ang balat.



5. Kapag nakalanghap, dalhin sa maaliwas na lugar upang makahinga nang maluwag. Kung hindi na humihinga, bigyan ng *mouth-to-mouth resuscitation* o artipisyal na pagbibigay ng hangin.



6. Kapag nakainom, dalhin sa maaliwalas na lugar. Alamin kung anong uri ang ginamit na pestisidyo. Pasukahin lamang kung gising ang pasyente at ang nainom na pestisidyo ay *nonkerosene-based*. Kung *kerosene-based*, huwag pasukahin. Painumin ng 8 binati na puti ng itlog.
7. Tumawag ng manggagamot o di kaya ay dalhin sa pinakamalapit na ospital. Huwag kalimutang dalhin ang etiketa o ang sisidlan ng pestisidyo.

Inihanda ng Provincial Government of Camarines Norte sa pamamagitan ng Office of the Provincial Agriculturist. Ito'y hango sa ginawang babasahin ng Fertilizer and Pesticide Authority (FPA).



Address:

2nd Floor Provincial Capitol Annex Building (Rear Side Center) Brgy. III, Daet, Camarines Norte



Email Address:

opagcamnorte@yahoo.com
opagcamnorte@gmail.com



Telephone No:

(054) 721-0291



Facebook:


OPAg Camarines Norte



Website:

<https://opagcamnorte.com>

Gabay sa Tamang Paggamit ng Pestisidyo




Litrato mula sa Google



Provincial Government of Camarines Norte
Office of the Provincial Agriculturist (OPAg)
Provincial Capitol Building, Daet, Camarines Norte
<https://opagcamnorte.com>
Facebook: OPAg Camarines Norte
Email: opagcamnorte@yahoo.com
Tel. No.: (054) 721-0291

I. PAGBILI NG PESTISIDYO

1. Bilhin ang pestisidyo na angkop at ipinapayo lamang para gamitin.
2. Huwag bilhin ang may sira o depektibong sisidlan.



3. Ilayo sa mga pasahero at pagkain ang nabiling pestisidyo.

II. PAGTATAGO NG PESTISIDYO

1. Ibukod ng lalagyan ang pestisidyo. Ilagay sa hindi naaabot ng bata, malayo sa mga hayop, pagkain at inumin.
2. Panatilihin ang mga ito sa kanilang orihinal na lalagyan. Huwag isalin ang pestisidyo sa ibang lalagyan.




3. Ilayo ito sa naaabot ng apoy at panatilihin itong tuyo at hindi nasisinagan ng araw.

III. PAGSUKAT AT PAGHAHALO NG PESTISIDYO

1. Magsuot ng kasuotang pamprotekta sa katawan bago mag timpla o gumamit ng pestisidyo.

Tandaan: Ang matapang na timpla ay hindi nagbibigay ng magandang epekto. Ang mababang timpla ay hindi rin epektibo. Laging sundin ang tamang timpla ayon sa etiketa o *label*.



2. Sukatin ang pestisidyo at ibuhos agad sa tangke na may bahagyang tubig.
3. Ang pulbos ay dapat ihalo muna sa kaunting tubig bago tuluyang ilagay sa tangke na pambomba.
4. Lagyan ng tubig ang tangke ayon sa tamang dami at haluing mabuti.
5. Inatang huwag mahaluan ang tubig-inuman o kanal na pinag-iinuman ng hayop sa ilog, sapa, batis, atbp.

6. Huwag sukatin ang pestisidyo o haluin sa pamamagitan ng kamay, Huwag din ilubog ang kamay at braso kapag hinahalo ang likido/ pestisidyo.



7. Gumamit ng angkop na kagamitang panukat at panghalo.
8. Gumamit ng embudo sa pagbubuhos ng likido upang maiwasan ang pagtilamsik. Huwag sipsipin ang likidong pestisidyo sa pamamagitan ng bibig sa may tubo.
9. Hugasan ang lahat ng kagamitan pagkatapos gamitin sa lugar na malayo sa tirahan, balon, daanan ng tubig at pananim. Ang mga kagamitang ginamit para sa pestisidyo ay hindi na dapat gamitin pa sa ibang bagay.
10. Isaradong mabuti ang mga pakete at takip ng bote ng pestisidyo pagkatapos gamitin upang hindi tumapon at makalason.

IV. TAMANG PAGGAMIT NG PESTISIDYO

1. Tingnan ang lagay ng panahon tulad ng hangin na magiging sanhi ng pagtangay sa ibinobomba palayo sa pinatatamaang halaman. Mapanganib ito sa gumagamit, sa pananim, tubig, hayop at kabahayan. Huwag magbomba kung ang panahon ay tila uulan. Ugaliing magbomba ng paayon o di pasalungat sa hangin.

2. Huwag gumamit ng pestisidyo nang walang sapat na kaalaman. Laging basahin ang etiketa, tingnan ang tagubilin at mga ipinapayong paraan bago gamitin ang pestisidyo. Itago ito upang magsilbing gabay anomang oras na kailangan.



3. Sundin ang nakasulat sa etiketa o kaya ay humingi ng payo sa nakakaalam (*technician, agro-dealers, atbp.*) ukol sa tamang pamamaraan, pamprotektang kasuotan, panahon ng paggamit, at kung kailan dapat ulitin ang paggamit.
4. Ang bata ay di dapat hayaang gumamit o magbomba ng pestisidyo.

5. Huwag hayaang may makalapit na tao o hayop kapag ang pestisidyo ay kasalukuyang ginagamit.

6. Isarado ang bahay na malapit sa bukid kung gagamit ng pestisidyo.

7. Laging hugasang mabuti ang kamay at parte ng katawan na maaaring nabahiran ng pestisidyo pagkatapos gumamit o magbomba.



8. Huwag lasunin ang kapaligiran sa hindi tamang paggamit ng pestisidyo sa pamamagitan ng patak, pagtulo at pagtagas habang nakasakay sa sasakyan, pagtatago, paggamit, maling pagtatapon ng basyong lalagyan, mga tira at sumobra sa paggamit at paghuhugas ng kagamitan.
9. Ihiwalay ng labahan ang mga kasuotang ginagamit sa pagtatrabaho sa bukid lalo na yaong ginagamit kapag nagbobomba ng pestisidyo. Banlian kung maaari bago tuluyang labahan.

V. PAGTATAPON NG BASYONG LALAGYAN

1. Ang balde, lata, bote o kahon ay dapat ibaan sa lupa. Huwag sunugin ang mga basyong lalagyan sapagkat ang usok nito ay makakasama sa katawan kapag ito ay nalanghap.

2. Sa pagbabaon ng mga lalagyan o basyo, kailangang ang lalim ng hukay (*pit*) ay isang metro kuwadrado (m^2). Lagyan ang ilalim ng 2-3 sentimetrong apog (*lime*) at 5-10 sentimetrong kusot (*sawdust*). Ito ay magsisilbing palagiang tapunan ng basyo ng pestisidyo.



Paalala: Ang hukay ay dapat malayo sa daluyan o kuhanan ng tubig.

3. Ang lalagyan ng pestisidyo ay hindi dapat hugasan sa sapa, batis o ilog. Huwag gamitin ang lalagyan ng pestisidyo bilang inuman ng tao o hayop o kaya'y sisidlan ng suka, toyo, patis, atbp. Kahit pa sapat ang paglilinis na ginagawa para dito.